

**ՏԵՂԻ Է ՈՒՆԵՑԵԼ «ՊԱՏՄԱՍԿՈՒԹԱՅԻՆ  
ԱՐԺԵՔՆԵՐԻ ՊԱՇՏՊԱՆՈՒԹՅԱՆ ՀԱՐՑԸ»  
ԹԵՍՎԱՅՆՎ ԿԼՈՐ ՍԵՂԱՆ ՔՆՆԱՐԿՈՒՄ**



Ապրիլի 16-ին Արցախի պետական համալսարանի պատմության և Իրավագիտության ֆակուլտետում կազմակերպվել է «Պատմամշակութային արժեքների պահպանության հարցը» թեմայով կլիոր սեղան-քննարկում, որը նախաձեռնել են «Իրավագիտություն» մասնագիտության առաջին կուրսի ուսանողները։ Քննարկմանը մասնակցել են ֆակուլտետի դեկան Ա. Խաչատրյանը, պատմության և քաղաքագիտության ամբիոնի վարիչ Ն. Սարումյանը, ամբիոնից դասախոսներ և ուսանողներ։

«Մեր ժողովոյի ողջ պատմության ընթացքում պատմամշակութային արժեք ունեցող վայրերն ու դրանց պահպանությունը կարևոր նշանակություն են ունեցել: Մենք դատապարտում, պահանջում և կոչ ենք անում բռնազավթված տարածքներում գտնվող հուշարձան-այն կորողներն են, որոնք իրենց հնությամբ և արժեքով անգնահատելի ապացույցներ են մեր ժողովոյի ինքնության և բնիկ լինելու վերաբերյալ», - նշել է «Իրավազիտություն» մասնագիտության առաջին կուրսի ուսանողների Աստղիկ Բաբայանը:

## ԿԱՏԱՐՎԵԼ ԵՆ ԲԱՐԵԿԱՐԳԱՎԱՆ ԱՇԽԱՏԱՆՔՆԵՐ

Ապրիլի 16 -ին հուշարձանների և տեսարժան վայրերի պահպանության օրվան ընդառաջ ԱրդՅ մի խումբ ուսանողներ սանմաքրման և բարեկարգման աշխատանքներ են իրականացրել Ծաղկաշատ և Ուս համայնքների հուշարձանների և հանրային նշանակության տարածքներում: Պատշաճ տեսքի են բերվել նշանակած համայնքների մի շարք հուշարձաններ ու հանրային նշանակության տարածքներ: Նմանատիպ հանրօգուտ աշխատանքներն ուսանողների կողմից լինելու են շարունակական:



## «Քո ժամանակը»

## ԱՐՅԱՆԻ ՊԵՏԱԿԱՆ ՀԱՍՏԱՏԱՐՎԱՆԻ ՈՒՍԱՆՈՂԱԿԱՆ ԱՍՍԱԹԵՐԹ



Խմբագիր՝ Զ.ԱՊՈՎՅԱՆ  
Դամարի պատուախանակ

Տպաբանակ՝ 400  
Տպարվում է Արցախի  
պետական հանգստաբանի  
հրատարակչության  
տպարանում  
Սեր հասցեն Ս.Գոջի 5:  
Ելու ՀՀ (047) 94 04 91

## ԱՐՑԱԽԻ ՊԵՏԱԿԱՆ ՀԱՄԱԼՍԱՐԱՆԻ ՈՒՍԱՆՈՂԱԿԱՆ ԱՄՍԱԹԵՐԸ

# ԱՆՑԱՆՑ ՀԱՆԴԻՊՈՒՄ ԺԱՍՏԱԿԱԿԱԿԻՑ

Արդ բանասիրական ֆակուլտետի  
ուսանողական գիտական ընկերության  
նախաձեռնությամբ կազմակերպվեց առ-  
ցանց հանդիպում արդի գրող Դավիթ Սամ-  
վելյանի հետ: Դանդիպմանը մասնակցել  
են գրականության և ժուռնալիստիկայի ամ-  
բունի վարիչ Նոնա Դավթյանը, ամբունի  
դասախոսներ, ուսանողներ բանասիրական,  
բնագիտական, պատմության և իրավագի-  
տության ֆակուլտետներից:

Գրականության և ժուռանալիստիկայի ամբիոնի վարիչ Նոնա Դավթյանը կարևորեց ազգային գրականության դերը՝ նշելով, որ միայն ազգայինն է մեր փրկությունը:

«Հանդիպման ընթացքում կարևորվեց ազգ-գրականություն միասնության հարցը, հատկապես մեր օրերում, երբ այն ունի կարևոր նշանակություն», - նշել է բանասիրական ֆակուլտետի ՈՒԳԸ փոխնախագահ Սոնա Մուսայելյանը՝ հավելելով, որ կարևորում է նման ծևաչափով հանդիպում-ների անհրաժեշտությունը, և առաջիկայում առցանց հանդիպումներ են նախատեսվում նաև ժամանակակից այլ գորողների հետ: Հարց-պատասխանների, քննարկումների միջոցով ուսանողները հեղինակին հղեցին տարաբնույթ հարցեր նրա ժողովա-

A photograph showing a group of students in a classroom. In the foreground, a young woman with long dark hair is looking towards the right. Behind her, several other students are seated at desks, looking in various directions. One student in the background is standing and appears to be speaking or presenting. The room has wooden desks and chairs, and there are some papers and books on the desks.

# ԿԱԶՄԱԿԵՐՊՎԵԼ Է ՑՈՒՑԱՅԱՆԴԵՍ ՄԱՅՐՈՒԹՅԱՆ ԵՎ ԳԵՂԵՑԿՈՒԹՅԱՆ ՏՈՆԻ ԿՈԹԻՎ

670015:

A group of ten young women of diverse ethnicities are standing together indoors, each holding a different hand-made item. From left to right: a woman holds a red lace doily; a woman holds a small painting of a landscape with a yellow flower; a woman holds a small wooden box; a woman holds a small bouquet of flowers; a woman holds a small wooden box; and a woman holds a small wooden box. The items appear to be traditional crafts or souvenirs.

Մանկավարժության և սպորտի ֆակուլտետում կազմակերպվել է ծեռքի աշխատանքների ցուցադրություն: Ցուցահանդեսին ներկայացված էին «Տարրական մանկավարժություն և մեթոդիկա» մասնագիտության 2-րդ կուրսի ուսանողների աշխատանքները, որոնք պատրաստվել են «Տեխնոլոգիա» արարկանի շուրջանակ-

**Աերուում:**  
«Ցուցահանդեսում Աերկայացված են ձեռագործ աշխատանքներ՝ կտորից և թելերից տարբեր տիկնիկներ, ասեղնագործ զարդարանքներ, շյուլագործ գլխակապեր, գուլպաներ, մաքրամե, գունավոր ապլիկացիաներ և այլ գործեր», - նշել է ՏՍՍ 2-րդ կուրսի ուսանողութիւն Անի Գասպարյանը:

«Այս աշխատանքները վկայում են, որ առարկայի շրջանակներում ուսանողները յուրացրել են դասընթացի կարողությունները և պատրաստ են դպրոցում տվյալ առարկան լի-արժեքորեն դասավանդել», - նշել է մանկավարժության և հոգեբանության ամբիոնի վարիչ Է. Բանոսանառուանո:

Ցուցահանդեսը բացվել էր մայրության և գեղեցկության տոնի առթիվ:

## «ՍԵՂՋԱԳՈՐԾ ՈՒՍԱՆՈՂ» ԽՈՐԱԳՐՈՎ ՄԻԶՈՑԱՌՈՒՄ

Արդյ բանասիրական ֆակուլտետի ուսանողական խորհրդի նախաձեռնությամբ կազմակերպվել է «Ստեղծագործ ուսանող» խորագրով միջոցառում, որին մասնակցել են ֆակուլտետի տարրեր մասնագիտություններից ուսանողներ: Միջոցառման ընթացքում ուսանողները ներկայացրել են իրենց հեղինակային արժակ և չափած ստեղծագործությունները՝ հայրենասիրական, պատերազմական, կարոտի և սիրո թեմաներով գրված:

Միջոցառմանը ներկա էին գրականության և լրագրության ամբողջ դասախոսներ, ովքեր իրենց ելույթներում գոհումակություն են հայտնել ուսանողների ներկայացրած գործերի վերաբերյալ, խորհուրդներով ուղղորդել և ոգևորել երիտասարդ ստեղծագործողներին:

«Ասպարեզ է իշել մի սերունդ, որը գալիս է ոչ թե գոքերից, բանաստեղծություններից, այլ այսօրվա դժվարին, ողբերգական վիճակից», - նշել է ամբողջ դասախոս, բ.գ.դ., պրոֆեսոր, բանաստեղծ Ս.Խանյանը՝ հավելելով, որ հիացած է ուսանողների ստեղծագործական ձիր-



քով և խոստանում է իր առաջիկա գրքում տպագրել հնչած լավագույն ստեղծագործությունները:

«Միջոցառման նպատակը ստեղծագործող ուսանողներին բացահայտելն ու ներկայացնելն էր: Սա ևս մի առիթ էր՝ ծանոթանալու նրանց ներաշխարհին և հոլովակին, հնարավորություն տալու ինքնադրսնորվելու և ոլորտի ավագ սերնդի ներկայացուցիչներից խորհուրդներ ստանալու համար», - նշել է ֆակուլտետի ՈՒԽ նախագահ Ի.Ազուստամյանը:

## ԴԱՍ-ՍԵՄԻՆԱՐ՝ «ՀԱՅՈՑ ՑԵՂԱՍՊԱՆՈՒԹՅԱՆ ՊԱՏՄԱԿԱՆ ԵՎ ԻՐԱՎԱԿԱՆ ԿՈՂՄԵՐԸ» ԹԵՍԱՅՈՎ

Ապրիլի 23-ին Արցախի պետական համալսարանի պատմության և իրավագիտության ֆակուլտետի ուսանողական խորհրդի նախաձեռնությամբ Հայոց ցեղասպանության 106-րդ տարելիցի կապակցությամբ Ստեփանակերտի Ա.Դուլյանի անվան N2 դպրոցի 8-րդ դասարանի աշակերտների հետ կազմակերպվել է դաս-սեմինար՝ «Հայոց ցեղասպանության պատմական և իրավական կողմերը» թեմայով:

Նախաձեռնության մասնակից են դարձել «Իրավագիտություն» և «Պատմություն» մասնագիտություններից ուսանողներ, ովքեր հանդիս են եկել ելույթներով՝ Հայկական հարցի, Հայոց ցեղասպանության, դրանց իրավական ու պատմական կողմերի և արդիականացման վերաբերյալ:

«Իրավագիտություն» մասնագիտության առաջին կուրսի ուսանող Արա Սարգսյանի խոսքով՝ Թուրքիան իր ցեղասպան քաղաքականությունը շարունակում է նաև այսօր՝ Ադրբե-



ջանի ձեռքով, որի վառ ապացույցը եղավ 2020 թ. Արցախյան պատերազմը:

«Ի՞նչ խոսք կարող է լինել խաղաղասիրության մասին, եթե Բաքվում բացվել է ռազմավարի պուրակ, որն ակնհայտ հաստատում է Ադրբեջանում հայատյացության և թշնամանքի քարոզի պետական քաղաքականության առկայության փաստը», - նշել է Ա. Սարգսյանը:

Ուսանողները պատասխանել են նաև աշակերտների հարցերին:

## ԱՐԴՅ-Ն ՍԱՍՆԱԿՅՑԵԼ Ե «Startup Boost Week Vol7» ՄԻԶՈՑԱՌԱԾԵԸ

Ապրիլի 5-ից 11-ը կայացավ «Քարձիս» հիմնադրամի կողմից իրականացված «Startup Boost Week Vol7» միջոցառումը, որին մասնակցել է նաև Արդյ-ն:

Արցախի պետական համալսարանի մի խումբ ուսանողները «ցց» ընկերության բացառիկ աջակցության շնորհիվ առաջին անգամ մասնակցեցին ծրագրին: Միջոցառումը հարթակ տրամադրեց ստարտափեր ստեղծելու և զարգացնելու համար՝ ուսանողներին տալով իրական փորձառություն և մրցակցային առավելություններ: Մեկշաբարթյա ծրագրի ընթացքում մասնակիցները միասին աշխատելու, թիմեր կազմակորելու, գաղափարներ հավաքագրելու և դրանք իրագործելու հնարավորություն ունեցան:

Միջոցառումը հյուրընկալեց 100-ից ավել ուսանողների՝ 8 առանցքային կենտրոններում, այդ թվում՝ Գյումրի, Կանաչոր, Դիլիջան, Երևան: Արդյ ուսանողները միջոցառման մասնակից դարձան առցանց եղանակով:

Մասնակից ուսանողները կազմեցին թիմեր, աշխատեցին փորձառու մենքորների հետ և ստացան մրցանակներ շահելու հնա-



րավորություն՝ վերջին օրը ժյուրիի անդամներին ներկայացնելով իրենց գաղափարները:

«Startup Boost Week Vol7» միջոցառման արդյունքում Արդյ ուսանողների ներկայացրած ծրագրին արժանացել է ժյուրիի մրցանակի և «ցց» ընկերության կողմից դրամական պարգևի:

Միջոցառմանը համալսարանականների մասնակցության համակարգման ու կազմակերպման աշխատանքները իրականացվել են Արդյ ՈՒԽՏԱԿ բաժնի և ՈՒԽ կողմից:

## ՍԵՂՋԱԳՈՐԾՈՒՄ ԵՆ ՄԵՐ ՈՒՍԱՆՈՂՆԵՐԸ

### Ազատ Արցախ

Նորից գարուն է, նորից ապրիլ ու նորից արյուն,

ինչո՞ւ միշտ արյուն, ինչո՞ւ միշտ ապրիլ,

ինչո՞ւ եք այդքան անսիրտ մեր հանդեպ,

ի՞նչ եք կորցրել մեր Մայր Արցախում:

Չե՞ք հասկանում, որ մենք չենք պարտվի,

քանզի մենք մեր հողն ենք պաշտպանում,

բայց դուք չգիտեք, որ հայն է ծեր դեմ,

Որը պատրաստ է իր արյան գնով

Մայր հայրենիքի պաշտպանը լինել:

Ու չենք բողնի, որ դուք վայրագորեն

Մեր հողը մտնեք ու ապականեք

Սուրբ տաճարներն ու խաչքարերը,



Մեր հավետ կանգուն ազատ Արցախը

### Հայ գինվոր

Դու մայր Արցախի հզոր պաշտպանն ես,

Հայկի սերնդից եկած հսկան ես,

Հայրենիքի միակ հույսն ու պարծանքն ես,

Ու ամեն մանկան անվախ հերոսն ես:

\* \* \*

Գնացին տղերը ել ետ չեկան,

Նրանց տարել է հրեշտակը պայծառ:

Կովի թեժ պահին մարտիրոսվեցին,

Հողը գունեցին արյամբ սրբազն:

Կարոտ բողեցին մեր հիվանդ սրտում,

Եվ ընդիշտ սպասում ցավով պարուրված:

**Արևիկ ՍԱՅԻՅՅԱՆ  
ՆԶՊ 1-ին կուրս**